

# QVÆSTIO MEDICA.

## QVOD LIBETARIIS DISPVATIONIBVS MANE DISCVTIENDA

### IN SCHOLIS MEDICORVM, DIE IOVIS XVI. DECEMBRIS.

#### M. ROBERTO DEBONNAIRE Doctore Medico, Præside.

*Est-ne Geminorum primò genitus, qui prior in lucem editur?*

859.



EMINORVM foetura, validæ quidem facultatis, nihil tamen quicquam præter humanam conditionem molientis opus est: in hunc enim finem, muliebre pectus duabus mammis, velut raris montibus molliter tumuit, ad quas lactis totidem fontes, & rivi deducuntur, nationesque quarum æquabilis, & vtrunque temperata est regio, hancce partus vbertatem illis frequentius experiuntur; apud quas naturæ hoc hominis bonum degeneravit vitio deprauati aëris; vnde si quando apud eas, in vnica grauiditate duplices foetus mulieres procreant, singularem, & eximiam esse puta præcellentis fecunditatis notam, atque idcirco ad id multò habiliores, aptioresque esse, paruas grandioribus; tenues quibus scilicet venæ patent, crassius, nigras liuentibus, quæ cum vtero intèr perpurcato, paulò sicciore, eoque nec contorto, nec hiantè, nec intercluso, sed leniter molliato, atque oblimato, mirâ flagrant commiscendorum corporum libidine.



ENERANTVR autem gemini, non quia vterum sinus duo diuidunt, cum in eorum alterutro, eiusdem sexus si fuerint, conformentur; nec quia non vulgaris est concepti seminis efficientia; illa enim tantum heroum opifex esse potest, neque etiam ex eo quòd illud iusto copiosius parentes effudere: homo quippe inter cæteras animantes, omnium abundè ferendi materiâ diues, semper multiplicis partus procreator foret: itaque gignuntur quando vterus in singulari complexu venereo, post allectum comprehensumque sufficiens semen, nouâ cupiditate exardescens, denuò aliud arripit, & penitus recondit in se: etenim quemadmodum repentinâ liquoris alicuius aspersione, maior crepitansque ignis flammâ statim subuolat: similiter prolis audidum illud animal, cum præsertim iucunditatis acerrimus fuerit illius sensus, ad vehementer expetiti succi appulsus, iterum effruescit, totusque modico humore diffuit, sicut ad gratæ, & splendoris rei aspectum lacrymæ profunduntur: neque ex eo prægrande aliquod animal enascetur, nam non minùs circumscripta est in viuientibus principiorum moles, quàm eorumdem naturalis magnitudo; cum enim illa finguntur, natura quale æquè ac quantum facit.



IR temperamento aliquantulum frigidior, quique secundum semen tardius parit, si cum alacriori muliere concumbat, ex tali coniunctione, gemini maximè expectandi sunt, hæc enim ratione fiet eodem tempore ad illud summopere desiderata, opportuna conuersio seminum, quæ quidem vt in primis emissionibus crassiora sunt, atque maiori cum voluprate, & grandinis in modum quàm longissimè vibrantur, ita spiritibus turgent magis, quibus oculis infantis adumbratio compleatur: proinde ex vltimis eorum partibus qui funditur foetus, erit sine dubio imbecillior, & plerumque fœmina, quæ quia minimum habet firmamenti, ac virium, nec eisdem cum mare absolutæ conformationis terminos, idè cum eo vitalis vix prodit, tametsi planè eius similitudinem gerat, speciemque, quòd inter se loci, & nutrimenti communitatem habuerint, paritèrque affecti sint matris perturbationibus, dum eius alio continerentur.



ESTES porro, & eorum vasa, postquam priuatæ egestati diligenter consuluerit, alimenti reliquias in vesiculis, & prostratis ad futuros vsus seruant, atque si animalis non sit effrænata libido, debito sibi comœatu contenti, à vicinis partibus prorsus exigunt nihil, minùs verisimile est à qualibet corporis particula, non solum non decidere molem, sed ne spiritus quidem seminis, eiusque formæ, testiculorum vi ex itate, lociam, ac comitem adiungi speciem quamdam, seu omnium generantis membrorum expressam imaginem, à qua extraneis non interpellatâ, prolis cum parentibus, omnis in effigie similitudo imprimatur: prima ergo eiectionis feminis portio, vt pote elaboratior, cessit facilius eam seponenti, & depellenti testiculo in arculas ad id accommodatas, cumque diutius in illis asseruata fuerit, conseruatum est, vt qui ex ea fit foetus, primùm hepatis sui benignitatem, & cordis, ne utique otiosi, perennes, & salutiferos impulsus, in vtero materno perceperit: quamvis enim omnes partes simul inchoentur, perficiuntur tamen pro viuientium commoditate, & in quibuldam certè impediò promptius, vbi eorum effectrix causâ validissimo calore persulam materiem nanciscitur.



INTER formanda corporum lineamenta, vis illa nostri procreatrix imitatur fiores quosdam, qui ex flexibili humidâque materia homines figurant; illi siquidem nisi satis superque secundum artis leges eam concreuisse obseruarint, opus suum haudquaquam aggrediuntur: quare dum gemini effinguntur, quia eorum posterior primordia sortitus est humidiora, & tenuiora, tardius profectò animatur, absolutiurque quàm primùm genitus, cuius initia quoniam genitore spiritu turgidiora fuerunt, idcirco celeriusculè in perfectum animal euasere: propterea necesse est vt idem iste primus indigeat amplioris alimenti, & refrigerii, calcitretque prior, motusque suo vterum videatur monere de tempestiua sua maturitate atque excutiendo pondere iam ipsi graui, vt mutuo cum foetus, cum fœte conatu, partus fortunatior succedat.

*Est ergo Geminorum primò genitus, qui in lucem prior editur.*

Proponebat Lutetiæ CAROLVS LE BRETON Parisiensis. A. R. S. H. M. DC. XXXVIII.

DOMINI DOCTORES DISPVATVRI.

M. Germanus Preaux.  
M. Ludovicus Renouart.  
M. Petrus le Comte.

M. Mathurinus Alton.  
M. Franciscus Blondel.  
M. Laurentius de Frades.

M. Ludovicus Robillard.  
M. Franciscus Boujonier.  
M. Ioannes Berault.



Physi